

後

漢

書

疏

證

後漢書疏證卷十五

吳 沈欽韓撰

魏郡

州郡志魏屬司隸魏志建安十七年割河內之蕩陰朝

歌林慮東郡之衛國頓丘東武陽發干鉅鹿之慶陶曲

周南和廣平之任城彪志多廣年一縣然廣平郡世祖已省入鉅鹿郡則廣平亦鉅鹿之

縣蓋衍一之字趙之襄國邯鄲易陽以益魏郡十八年

分魏郡為東西西部置都尉黃初二年以魏郡東部為陽

平郡西部為廣平郡晉志陽平郡魏置治元城廣平郡

魏置治廣平元和志魏以廣平陽平魏三郡為三魏晉書石苞傳徙鄴典

農中郎將

鄴

元和志相州鄴縣漢舊縣晉以愍帝諱改鄴為臨漳石

季龍徙都之復改為鄴又臨漳縣本鄴縣地東魏分置水經

注洹水東北流逕鄴城南謂之新河一水北逕東明觀

下昔慕容儁夢石虎齧其臂寤而惡之購求其尸而莫

之知後宮嬖妾通鑑作鄴女子李萇言虎葬東明觀下若是掘得

其棺剖棺出尸尸僵不腐雋罵之曰死胡敢夢生天子

使御史中尉陽約數其罪而鞭之晉書藝術傳投尸于漳水尸倚橋柱不流

又云鄴中記云魏武攻鄴引漳水以圍之獻帝春秋曰

司空鄴城圍周四十里初淺而狹如或可越審配不出
爭利望而笑之司空一夜增修廣深二丈引漳水以注

之遂拔鄴魏武引漳流入城東注謂之長明溝東出石

竇堰下注之隍水

通鑑永和六年張賀度據石濟冉閔與李農帥騎三萬討賀度于石濟疑

非此地城之西北有三臺皆因城為基巍然崇舉其高若

山建安十五年魏武所起

中日銅雀臺南則金虎臺北日冰井臺

石勒載

記攻北中郎將劉演于三臺演部將臨深牟穆等率眾

數萬降于勒建興元年石季龍攻鄴三臺鄴潰劉演奔

于廩丘將軍謝胥田青郎牧等率三臺流人降于勒石

虎載記龍驤孫伏都劉銖等結羯士三千伏于胡天

胡

省云胡天石氏禁中之署舍 欲誅冉閔李農時石鑿在中臺伏都率

三十餘人將升臺挾鑿以攻之伏都曰李農等反已往

東掖臣嚴率衛士謹先啟知于是率眾攻閔農不克屯

于鳳陽門閔農率眾數千毀金明門而入明農攻斬伏

都等自鳳陽至琨華橫尸相枕流血成渠水經注鄴城有七門南曰

鳳陽門西曰金明門石祇使劉顯帥眾七萬攻鄴次于明光宮去

鄴二十三里閔盡眾而戰大敗顯軍追奔及于陽平斬

首三萬餘級通鑑太元九年燕王垂引丁零烏桓之眾

二十餘萬爲飛梯地道以攻鄴不拔乃築長圍守之長

樂公丕請救于謝玄玄遣劉牢之等率眾二萬救鄴燕

王彊逆戰而敗遂撤圍退屯新城鄴中饑甚丕帥眾就

晉穀于枋頭劉牢之入鄴城太元二十一年拓跋珪命

東平公儀將五萬騎攻鄴范陽王德使南安王青等夜

擊魏軍于鄴下破之魏軍退屯新城即燕主垂攻鄴所築青等請

追擊之別駕韓諱曰古人先計而後戰魏軍不可擊者

四官軍不宜動者三不如深壘固軍以老之德從之劉

注引帝王世紀舛誤不可曉當是河曹甲之訛河曹甲居相魏孝文帝立相州本此

繁陽

通典漢繁陽縣故城在今相州內黃縣西北寰宇記在

今內黃縣東二十六里水經注張晏曰繁陽有繁淵澗

淵卽繁淵也通鑑永和六年趙汝陰王琨進據邯鄲鎮南將軍劉國自繁陽會之魏衛將軍王泰擊琨大破之死者萬餘人劉國還繁陽

內黃

元和志相州內黃縣本漢舊縣河以北爲內南爲外故此有內黃陳留有外黃又堯城洹水二縣皆漢內黃縣地鷓鴣陂在縣西南五里周迴八十里又澶州清豐縣漢內黃縣地舊唐志以縣界有孝子張清豐門關大歷七年田承嗣請爲縣名故殷城在縣東南十里內黃殷王河直甲居相因築此城水經注淇水東過內黃縣爲白溝又東北逕并陽城西世謂之

辟陽城非也卽郡國志所謂內黃縣有并陽聚者也今按

續志作羨陽聚觀酈注于下文自有羨陽聚則明此為并陽劉昭不曉并陽因而強改白溝自縣

北逕戢陽城東世謂之羨陽聚後燕載記慕容垂發鄴

中子農及兄子楷紹弟子宙為苻丕所留及誅飛龍遣

田生告農等使起兵趙魏以相應于是農宙奔列人楷

紹奔辟陽又通鑑太元九年王晏據館陶慕容楷屯辟

陽按楷所討者館陶則辟陽應在魏郡正水經注之以

并陽為辟陽者胡三省以為信都之辟陽亭非也寰宇記辟

陽故城在內黃東北五里通鑑永嘉三年漢主淵遣都護曲陽王賢

與征北劉靈安北趙固平北桑東屯內黃又太和五年燕宜都王桓

帥眾萬餘屯沙亭為太傅評後繼圖評敗引兵屯
內黃堅使鄧羌攻信都桓率鮮卑五千奔龍城

魏

通典魏州魏縣漢舊縣有白溝水煬帝引通濟渠亦名

御河

元和志後魏孝文帝
分魏縣置昌樂縣

元城

通典魏州元城縣漢舊縣又貴鄉縣漢元城縣地元和

志魏黃初二年于元城縣置陽平郡馬陵在縣東南一

里齊孫臍破殺龐涓于此水經注元城縣北有沙丘堰

堰障水也自沙丘堰南分屯氏河出焉通鑑太元十九

年燕王垂遣太原王楷出滏口遼西王農出壺關垂自

出沙庭以擊西燕彪志元城縣有沙亭沙庭當卽沙亭
志曰五鹿墟故沙鹿則脫沙鹿二字然
五鹿實在衛州衛縣沙鹿非五鹿也

黎陽

元和志衛州黎陽縣黎陽鎮故城在縣東南一里古翟
遼城也皇朝改曰白馬鎮通典黎陽有白馬津卽鄭生
所云杜白馬之津後魏改爲黎陽津水經注黎山東北
故城蓋黎陽縣之故城也山在城西城憑山爲基東阻
于河昔慕容玄明自鄴率眾南徙滑臺旣無舟楫將保
黎陽昏而流澌冰合于夜中濟訖旦而冰泮燕民謂是
處爲天橋漢官儀曰中興以幽冀并州兵克定天下

故于黎陽立營以謁者監之魏志司馬朗傳朗知董卓必亡謂父老曰及道路尙通舉宗東到黎陽黎陽有營兵趙威孫鄉里舊婚爲監營謁者統兵馬足以爲主按漢季亂離已甚而其制猶存可見漢法之立也袁紹傳太祖北征譚尙譚軍黎陽尙少與譚兵太祖渡河攻譚譚告急于尙尙自將兵助譚與太祖相拒于黎陽自二月至九月大戰城下譚尙敗走入城守太祖將圍之乃夜遁通鑑永和六年冉閔誅胡羯建議將軍段勤據黎陽太元九年謝玄遣龍驤劉牢之等據礪礪濟陽太守郭滿據滑臺苻丕遣將桑據屯黎陽以拒之劉襲夜攻

據走之遂克黎陽立遣晉陵太守滕恬之渡河守黎陽

十一年鮮于殺翟真翟遼奔黎陽黎陽太守滕恬之甚

愛信之恬之喜畋獵不愛士卒遼潛施姦惠以收眾心

恬之南攻鹿鳴城

水經注黎陽東岸有故城謂之鹿鳴城王玄謨自滑臺走鹿鳴者也遼

于後閉門拒之恬之東奔郵城遼追執之遂據黎陽三

年徙屯滑臺十六年遼卒于釗代立十七年燕主垂南擊釗軍黎陽臨河

欲濟釗列兵南岸以拒之垂徙營就西津去黎陽西四

十里為牛皮船百餘艘偽列兵仗泝流而上釗亟引兵

趣西津垂潛遣中壘將軍桂林王鎮等自黎陽津夜濟

營于河南比明而營成釗聞之亟還攻鎮等營垂命鎮

等堅壁勿戰釗兵往來疲喝攻營不能拔將引去鎮等
引兵出戰驃騎將軍農自西津濟與鎮等夾擊大破之
釗走還滑臺將妻子收遺眾北濟河登白鹿山元和志
山在衛
州共城縣西五十四里燕回兵掩擊盡獲其眾釗單騎奔長子地
志永安元年分黎陽置東黎縣寰宇記澶州臨
河縣故東黎縣輿地廣記云隋析黎陽置非也

陰安

舊唐志澶州頓邱縣後移治所于陰安城今縣北陰安
城是也魏志太祖追袁尚至鄴收其麥拔陰安通鑑永
和六年冉閔追斬豚于陰安是也地形志頓上郡陰
安縣真君三年併

衛國太和
十九年復

館陶

元和志魏州館陶縣漢屬魏郡魏文帝改屬陽平郡又
冠氏縣本漢館陶縣地隋分館陶東界置通鑑太元十
七年翟釗遣其將翟都侵館陶屯蘇康壘燕主垂進逼
蘇康壘翟都南走滑臺又太和九年東胡王旻據館陶
爲鄴中聲援燕王垂遣太原王楷陳留王紹討之楷謂
紹曰鮮卑烏桓及冀州之民本皆燕臣今大業始爾人
心洽所以小異吾當止一處爲軍聲之本汝巡撫民夷
示以大義彼必當聽從楷乃屯於辟陽紹帥騎數百往
說王旻爲陳留禍福旻隨紹詣楷降

寰宇記屯氏河俗
名毛河在縣西二

里

清淵

寰宇記魏州臨清縣本漢清淵縣地

唐屬貝州

後魏孝文干

此置臨清縣

按水經注田融言趙立建興郡于城內置臨清縣于水東自趙石始也

地形

志陽平郡有清淵縣有臨清縣當是太和中析清淵縣

仍置臨清縣耳水經注白溝東過清淵縣故城西又歷

縣之西北為清淵故縣有清淵之名又東北逕榆陽城

北通鑑永嘉元年荀晞擊汲桑于東武陽大破之桑退

保清淵晞追擊破其八壘桑與石勒收餘眾將奔漢冀

州刺史丁紹邀之于赤橋又破之桑奔馬牧勒奔樂平

平恩

通典洺州平恩縣舊縣地形志平恩縣有康臺澤元和

志云澤在通鑑太元九年慕容農起兵列人自將攻破

館陶略取康臺牧馬數千匹水經注地理風俗記平恩

縣故館陶之別鄉也宣帝地節三年立

沙

元和志潞州涉縣本漢舊縣屬魏郡晉屬廣平郡地形

志襄垣郡刈陵縣有涉城今攷晉志廣平郡有涉縣水

經注漳水于縣東清漳水自涉縣東南來注之世謂決

入之所為交漳口又云清漳水于涉縣有涉河之稱此

于前志同作沙明因上元城縣有沙亭之字而誤魏志
建安九年易陽令韓範涉長梁岐舉縣降益明漢之涉
縣不作沙胡三省通鑑注云涉縣蓋漢末分上黨之潞
縣置彼蓋不知卽漢志訛爲沙縣者也

宋白曰沙縣因縣南涉河爲名

磁州昭義縣治故涉城

斥丘

元和志相州成安縣本漢斥丘縣地屬魏郡土地斥鹵

故曰斥丘故城在縣南三十里本春秋時乾侯邑

袁紹傳賊

陶升送紹家到斥丘紹還因屯斥丘

武安

元和志磁州武安縣魏屬廣平郡武安故城在縣西南

五里寰宇記磁州滏陽縣本漢武安縣地魏黃初三年

分武安立臨水縣屬廣平郡以城臨滏水故曰臨水周

武帝于此別置滏陽縣隋志滏陽縣周置臨水縣有慈石山舊唐志永泰

元年廉察使薛嵩特置昭義縣于滏口之右故臨水縣

城寰宇記周武建德六年臨水縣移理故涉縣處即魏魏

志建安九年公攻鄴武安長尹楷屯毛城通上黨糧道

公自將擊楷破之徐晃傳設伏兵掩擊破三屯據魏略

傳家居鄴九年暫出到武安毛城中會太祖圍毛城破

執邵等輩十餘人皆當斬太祖問見之疑其衣冠也問

其祖考而識其父乃解此毛城蓋武安之下邑方志失載按寰宇記洺水出武安縣

西北三門山去縣八十三里水經注沼水出易陽縣西
山隋圖經云晉惠帝敗于蕩陰之歲烏桓鮮卑掠鄴城
婦女沈于沼水晉書王浚傳進軍討成都王穎克鄴城
鮮卑大略婦女浚命敢有挾藏者斬于是沈于易水者
八千人通鑑叙此事在浚還薊後則爲易縣之易水非
此也

曲梁

通典潞州永年縣漢曲梁縣元和志鸛澤在縣西南十
里皇朝平劉黑闥壘在縣西南十里沼水貞觀四年于
壘東置昭福寺碑岑文本撰水經注白渠一水東爲澤

渚曲梁縣之鷄澤也國語所謂鷄丘矣白渠故瀆南出
所在枝分右出卽邯溝也彪志云曲梁故屬廣平按中
興已省廣平直是以此縣散
人魏郡耳故屬廣平四字爲贅又劉昭本杜預注敗赤
狄于曲梁謂是縣按水經注漳水東會于梁水梁水出
南梁山應是敗赤狄處若魏郡之曲梁則漳水已出山
過鄴西晉無庸越潞國都而與之戰杜預非也劉昭上
黨郡下引者是通鑑永嘉六年趙固王桑自懷求
迎於漢桑引其眾東奔因遣兵追殺之于曲梁

梁期

水經注漳水東逕梁期城南地理風俗記曰鄴北五十
里有梁期城故縣晉惠帝永興元年驃騎王浚遣烏桓
渴末通鑑末
作朱逕至梁期候騎到鄴成都王穎遣將軍石
超討末爲末所敗于此也按晉志無此縣當是併入鄴

縣也

按隸續劉寬碑陰門生有溝平長魏郡平陽馬龍子珪
攷續志鄴縣有平陽城非縣也碑以中平二年立而東
郡之陽平則以建安十七年為魏郡東部都尉治其陽
平入魏郡當在是時史文失此縣竊意碑中平陽當是陽平
之倒或以前已入魏郡未可知也

鉅鹿郡

魏志黃初二年置廣平郡

馮集梧曰鉅鹿潁川皆秦郡也後漢尹宙碑云漢興以三

川為潁川分趙地為鉅鏡金石之文固有不可為據者此類是也

舊唐志曹魏于漢邯

溝縣立肥鄉縣屬廣平郡

瘿陶

通典趙州甯晉縣漢瘿陶縣寰宇記鉅鹿之瘿陶縣後
魏景明中移縣于舊城東三十里後移平鄉縣以理之
至今不改故城在甯晉縣二十九里南地形志瘿陶縣
有沃州城寰宇記廣阿澤一名大陸一
名沃州在堯山縣西北五里魏志董昭傳紹
逆公係瓚于界橋鉅鹿太守李邵及郡冠蓋以瓚兵彊
皆欲屬瓚紹聞之使昭領鉅鹿間禦以何術對曰一人
之微不能消眾謀欲誘致其心唱與同議及得其情乃
當權以制之計在臨時未可得言時邵右姓孫伉等數
十人專爲謀主驚動吏民昭至郡僞作紹檄告云得賊

羅候安平張吉辭當攻鉅鹿賊故孝廉孫伉等爲應檄
到收行軍法惡止其身妻子勿坐昭按檄告令皆卽斬
之一郡惶恐乃以次安慰遂皆平集

石虎載記分獲陶
之柳鄉立停駕縣

鉅鹿

通典漢鉅鹿縣今邢州平鄉縣水經注衡水北逕鉅鹿
縣故城東沙丘臺在鉅鹿故城東北七十里趙武靈王
與秦始皇並死于此又逕銅馬祠東漢光武廟側有
碑述河南張導字景明以建和三年爲鉅鹿太守漳津
汎濫土不稼穡導按披地圖修防通以正水路功績有
成民用嘉賴題云漳河神壇碑而俗老者儒猶揭斯廟

爲銅馬劉神寺也通鑑太和四年吳王垂自襄邑還鄴威名益振太傅評愈忌之太后可足
渾氏素惡垂與評密謀誅之
垂請敗于大陸因微服出鄴

楊氏

元和志趙州甯晉縣漢楊氏縣晉省後魏于此置瘦遙縣隋改爲瘦陶按地形志永安二年分瘦陶置瘦遙縣則晉以楊氏井人瘦陶也通鑑隆安元年燕主寶聞拓跋珪攻信都出屯深澤遣趙王麟攻楊城殺守兵三百寶悉出珍寶及宮人募郡國羣盜以擊魏珪還屯楊城胡三省據續志中山蒲陰縣有楊城然楊陽字異地形志鉅鹿郡治舊楊城瘦遙縣又治楊城攷通鑑于太元

二十一年珪謂諸將曰中山城固寶必不肯出戰急攻則傷士久圍則費糧不如先取鄴信都然後圖之乃引兵而南則是舍中山而南出也其後寶奔中山走龍城又云珪以軍食不給命東平公儀去鄴屯鉅鹿積租場城則陽城爲鉅鹿之楊氏無疑胡身之誤也水經注十三州記曰楊氏縣北四十里地有敬武亭故縣也今其城實中小邑故俗名曰敬武壘

鄒

通典漢鄒城在深州鹿城縣東

舊唐志至德二年爲東鹿縣

地形志

鉅鹿郡鄒縣有黃尸通鑑永和七年姚襄及趙汝陰王

琨引兵救襄國冉閔遣車騎將軍胡睦拒襄于長蘆將軍孫瑋拒琨于黃丘皆敗還是也水經注衡水北逕鄔縣故城東地理風俗記曰縣北有鄔阜故縣氏之鄔卽

鄔之訛

范書光武紀同

下曲陽

通典定州鼓城縣漢下曲陽縣在西隋志鼓城舊曰曲

陽

晉志屬趙國地
形志始去下字

舊唐志隋分棗地于下曲陽縣故城

東五里置昔陽縣尋改爲鼓城

大歷三年
割屬恆州

通鑑隆安元

年燕主寶悉發其眾步卒十二萬騎三萬七千屯于曲

陽之柏肆

載記訛
爲柏津

營于滹沱水北

元和志滹沱水在
鼓城縣北十三里魏

後漢書 卷之十五
三
軍營于水南竇潛師夜濟募兵勇敢萬餘人襲魏營竇
陣于營北以爲之援募兵因風縱火急擊魏軍魏軍大
亂珪驚起奔營跣走燕將軍乞特眞帥百餘人至其帳
下得珪衣韉旣而募兵無故自驚互相斫射珪于營外
望見之乃擊鼓收眾縱騎衝之募兵大敗還赴竇陳竇
引兵復渡水北比明魏整眾而至燕軍奪氣竇引還中
山魏兵隨而擊之竇恐爲魏軍所及命士卒皆弃袍仗
兵器數十萬刃寸不返胡三省曰下曲陽有柏肆塢隋
開皇初置柏肆縣後廢入棗按舊唐志唐初鉅鹿郡領
棗城柏肆新豐宜安四縣

任

元和志邢州任縣本漢張縣地今縣西南渚陽城是後

漢省

據此則張縣併入任縣寰宇記云後漢省張縣則為鉅鹿郡之南樂縣地晉省南樂又為廣平之任

縣地兩指漢晉而忘卻後漢自有任縣此地理之疏也張城一名渚陽城在縣西

南二十七里按石勒載記王浚遣督護王昌及鮮卑段

就六眷屯于渚陽勒遣石季龍盟就六眷于渚陽結為

兄弟即此城胡三省不能指其處泛稱信都絳瀆之渚

非也地形志北廣平郡任縣有苑鄉城通鑑永嘉六年

廣平游綸張豺擁眾數萬據苑鄉石勒使夔安支雄等

七將攻之綸豺降于勒

南和

元和志邢州南和縣漢舊縣張賓墓在縣西十二里石勒軍師號曰右侯寰宇記水經注北有和成故此縣云

南今屬注無之地形志南和後并于任太和二十年復晉書

邵續傳石勒南和令趙領等率廣川渤海千餘家背勒歸續

廣平

元和志洺州鷄澤縣本漢廣平縣地開皇十六年于廣

平城置鷄澤縣

斥漳

元和志洛州洛水縣本漢斥漳漳水經其城其地斥鹵
故曰斥漳水經注漢建安十八年魏太祖鑿渠引漳水
東入清洹以通河漕名曰利漕渠通鑑太元十年燕主
垂北遁劉牢之卽引兵追之秦長樂呂丕聞之發兵繼
進牢之追及垂于董唐淵垂曰秦晉瓦合相待爲強一
勝則俱豪一失則俱潰非同心也今兩軍相繼勢旣未
合宜急擊之牢之軍疾趨二百里至五橋澤爭燕輜重
垂邀擊大破之斬首數千級牢之單馬走會秦救至得
免按元和志董塘陂在洛水縣西北十五里晉龍驤將
軍劉牢之追慕容垂大軍于董唐泉卽此陂則五橋澤

當稍益北在洺州曲周縣界胡三省以爲在臨漳縣者

非舊唐志會昌三年省入曲周

廣宗

通典貝州宗城縣漢廣宗縣漢界橋在今縣東元和志後漢章帝分立廣宗縣水經注清河東北逕界城亭東水上有大梁謂之界城橋袁紹破公孫瓚于界城橋卽此通鑑惠帝光熙元年劉琨至上黨東燕王騰卽自井陘東下時并州飢饉數爲胡寇所掠郡縣莫能自保州將田甄甄弟蘭任祉祁濟李惲薄盛等流民萬餘隨騰就穀冀州號爲乞活建興元年石勒攻李惲于上白新

之王浚復以薄盛爲青州刺史

上自在安平廣宗縣

永和四年石

虎死張豺與太尉張舉謀誅司空李農農奔廣宗帥乞

活數萬家保上白隆安三年初秦王登之弟廣帥眾三

千依南燕王德德以爲冠軍將軍處之乞活堡計慕容

德所保之地此乞活堡當亦在廣宗也

晉書王浚傳遺

廣宗時大霧宏引軍就道卒與勒遇爲勒所殺

曲周

通典洺州曲周縣漢舊縣故城在今縣西南紂鉅橋倉

亦在于此元和志魏屬魏郡水經注衡漳又北逕巨橋

邸閣西舊有大梁橫水故有巨橋之稱

列人

通典漢列人縣故城在今洺州肥鄉縣東北寰宇記縣東北十五

里元和志洺州清漳縣本漢列人縣地按列人縣故城

在今肥鄉縣界隋于此置清漳縣元和志黃初二年立肥鄉縣通鑑太元九

年燕王垂攻鄴不拔于肥鄉縣築新興城以置輜重分處老弱水經注地理風俗記曰

列人縣西南六十里有卽裴城故縣也漳水于列人縣

右合白渠故瀆通鑑太元九年慕容農奔列人止于烏

桓魯利家謂利曰吾欲集兵列人以圖興復卿能從我

乎利曰死生惟郎是從農乃詣烏桓張驥說之曰家王

已舉大事翟斌等咸相推奉遠近響應故來相告驥再

拜曰得舊主而奉之敢不盡死于是農驅列人居民爲士卒斬桑榆爲兵裂襜裳爲旗使趙秋說屠各畢聰聰與屠各卜勝張延李白郭超及東夷餘和勅勃易陽烏桓劉大各帥部眾數千赴之長樂公丕使石越將步騎萬餘討之越至列人西參軍趙謙言于農曰越甲仗雖精人心危駭易破也宜急擊之農曰彼甲在外我甲在心晝戰則士卒見其外貌而憚之不如待暮擊之可以必克令軍士嚴備以待越立柵自固農笑語諸將曰越兵精士眾不乘初至之銳以擊我方更立柵吾知其無能爲也向暮農鼓譟出陳于城西牙門劉木請先攻越

柵帥壯士四百人騰柵而入農督大眾隨之大敗秦兵
斬越送首于燕王垂

魏志管輅傳輅至列人典農王宏直許按魏時列人縣有典農官也

廣年

按洛州永年縣卽漢廣年縣也隋志永年舊曰廣平仁
壽元年改爲永年此廣平乃廣年之誤蓋避煬帝名只
易上一字其曲梁廣平二縣後齊廢入故自來地志旣
以永年爲曲梁縣又云是廣平而漢之廣年反爲其所
掩

平鄉

地形志南趙郡平鄉縣治鉅鹿城有平鄉城通典邢州

平鄉縣亦漢舊縣地或云秦置鉅鹿郡于此據魏收志則後魏始以平鄉治鉅鹿此鉅鹿卽景明二年所移者後來稱平鄉爲鉅鹿以此然秦漢之鉅鹿實不在此也

南樂

前志爲緜後通作樂刊本作蠻字者誤 通典邢州鉅鹿縣漢南樂縣地故

城在今趙州柏鄉縣東北舊唐志隋于漢南樂故城置

鉅鹿縣

隋志南樂縣廢入鉅鹿

寰宇記廢南樂縣唐初以其地并

入平鄉縣故城在堯山縣西十二里

附 藁城地形志藁城前漢屬眞定後漢屬鉅鹿郡晉省

元和志恒州

元和十五年改爲鎮州

藁城縣本漢舊縣後漢改屬

鉅鹿郡通典漢棗縣故城在今縣西肥累故肥子國漢
 以為縣亦在今縣西南今按彪志鉅鹿郡無之常山國
 亦不載隸釋光和四年棗長蔡湛頌由棗長遷高邑今
 則東京實有此縣而志失之也玩碑文似當在常山今
 姑從魏收志

胡三省通鑑一百五卷注云棗城縣前漢屬真定後漢屬鉅鹿此亦只據地形志也

常山國

彪志刺史治高邑地形志袁紹曹操為冀州治鄴魏晉
 治信都寰宇記黃初中自鄴徙理信都

元氏

通典趙州元氏縣漢舊縣漢常山郡故城在今縣西元

和志漢元氏縣故城在今縣西北十五里飛龍山在縣西北三十里石勒載記勒進軍常山王浚使其將祁宏率鮮卑務勿塵等眾十餘萬騎討石勒大敗勒于飛龍

山死者萬餘勒退屯黎陽隸釋元氏縣有三公山無極

山白石神君三碑無極碑云元氏先時三公封龍寰宇記飛

龍山一名靈山已得法食詣太常合無極山比三公封

龍靈山祠隋志元氏縣有靈山白石碑云白石神君居九山之數

參三條之一乃具載本本上尙書請依無極為比洪云

郡國志所謂三公塞此劉昭注引地道記卽三公山石塞卽白石

山也石虎載記石遵殺世自立石冲自薊討遵比及常山獸十餘萬遵假石閔黃鉞與李農等討之戰于

平棘沖師大敗獲
沖于元氏賜死

高邑

元和志趙州高邑縣漢縣高齊天保七年移高邑縣城
于東北十五里今縣是也又柏鄉縣本高邑縣地隋開
皇十六年於漢鄗城南十八里改置柏鄉縣遙取古柏
鄉縣以為名按地形志趙郡柏人縣有柏鄉城漢世祖
廟一名壇亭縣北十四里即世祖即位之千秋亭也又
贊皇縣本高邑縣地贊皇山在縣東南二十六里泝水
在縣西南三十五里韓信斬陳餘處通鑑太元十年燕
王垂攻鄴久不下將北詣冀州召驃騎大將軍農還鄴

遠近以燕爲不振頗懷去就農至高邑遣從事中郎眭
邃近出違期不還長史張攀言于農曰邃目下參佐敢
欺罔不還請回軍討之農不應敕備假版以邃爲高陽
太守參佐家在趙北悉假署遣歸退謂攀曰君所見殊
誤當今豈可自相魚肉俟吾北還邃等自當迎于道左
君但觀之垂北趣中山農爲前驅前所假授吏眭邃等
皆來迎候上下如此攀乃服農之智略

都鄉

南行唐

舊唐志鎮州行唐縣漢南行唐縣

地形志始去南字

通鑑太元

九年燕王垂殺翟斌兒子真夜將營眾北奔邯鄲自邯鄲北走趨中山屯于承營十年慕容農引兵會慕容麟于中山與其攻翟真麟農先帥數千騎至承營觀察形勢真望見陳兵而出諸將欲退農曰翟真懦弱今簡精銳望真所在而衝之真走眾必散矣乃邀門而蹙之可盡殺也使驍騎將軍慕容國帥百餘騎衝之真走其眾爭門自相蹈藉死者大半遂拔承營外郭真自承營徙屯行唐真司馬鮮于乞殺真營人共殺乞立真從弟成爲主燕王垂至常山圍翟成于行唐成長史鮮于得斬成出降垂屠行唐盡阬成眾

房子

元和志趙州臨城縣漢房子縣自漢至隋不改天寶元年改名臨城以縣西南十里有古臨城因改名水經注綿蔓水逕樂陽縣故城西屈逕陳餘壘南逕城西俗名曰臨清城疑是唐所指之臨城也又寰宇記引酈注云泚水東出房子城西出白土細滑如膏可用濯綿色奪霜雪光彩鮮潔異于常綿俗以爲美談言房子之績也抑亦似蜀錦之得濯江矣歲貢其綿以充御府

平棘

舊唐志趙州平棘縣漢舊縣通典故城在今縣南

又有漢宋

子縣故城在今縣北按衛恆四體書勢云鉅鹿宋子有耿襄碑是袁術所立師宜官書晉書王浚

傳進軍討成都王頽以主簿祁宏為前鋒遇頽將石超

于平棘擊破之元和志斯浚水在縣北三十五里故樂

城在縣西北十六里按彪志此下有樂城劉昭注在縣

西北四十里地形志趙郡樂城縣太和十一年分平棘

置治關城按此即故關縣有樂城元和志于樂城縣下云樂城

縣本漢關縣後漢省魏太和十一年于此置樂城縣取

平棘縣舊樂城為名其原委甚明乃續志刊本誤斷為

縣以充十三城之數載攷班志及晉志皆無樂城縣若

除去樂城又僅得十二城與志云十三城者不合然則

棗城當嶺常山後之傳本禡落隸釋棗長蔡湛碑在真定府不得疑為沛郡之

也而魏收輩云棗城後漢屬鉅鹿者亦誤也寰宇記

云汶水又東逕平棘縣南有石橋跨水闊四十步長五十步橋東有兩碑

九門

舊唐志鎮州九門縣漢縣至隋不改後魏道武登常山

郡城北望安樂壘美之遂移郡治于安樂城今州城是

也地形志常山郡治九門有安樂壘而唐之州治則真定縣其九門縣則西南至州三十里水經注

長蘆水又東逕九門城北故縣也據此則魏之九門非漢故處故地形志云

有常山城又通鑑永和七年慕容恪南循常山軍于九

門魏趙郡太守李邽舉郡降載記常山人李犢率眾數

千反于普壁壘備遣慕容恪率眾討降之

靈壽

通典鎮州靈壽縣漢舊縣故城在今縣西北衛水在今

西山東北入滹沱河

魏書道武紀普驎遣烏九張驎率五千餘人出城求食寇常山之靈

壽賀驎白丁零中入驍軍因其眾入中山殺普驎而自立

蒲吾

舊唐志鎮州平山縣漢蒲吾縣隋改為房山至德元年

改為平山

寰宇記蒲吾縣後漢于此立房山縣晉魏以來廢隋又置按此殆同妄語應是傳刻之誤

元和志蒲吾故城在縣東二十里水經注綿蔓水上承

桃水北流逕井陘關下南逕蒲吾縣故城西又東南流

涇桑中縣故城北世謂之石勒城蓋趙氏增城之俗又

謂之高功城前燕載記常山大樹自拔根下得璧七十

珪七十三此漢時祠北嶽瘞玉于此何足為奇光色精奇有異常玉儁以

為嶽神之命遣其尙書郎段勤以太牢祠之寰宇記以

為蒲吾縣之房山王母祠前也地形志蒲吾縣有嘉陽城樂史云房山城一名

嘉陽

井陘

通典鎮州井陘縣漢舊縣元和志陘山在縣東南八十

里四面高中央下如井故曰井陘隋志恒山郡石邑縣

後齊改曰井陘開皇六年復石邑分置井陘十六年析

置鹿泉縣通典鎮州石邑縣井陘山甚險固漢故城在

今縣西北俗謂之人文城有葦山今名抱犢山

韓信間道持赤

幟而下處四面危絕山頂有二泉元和志鎮州獲鹿縣隋于

此置鹿泉縣以鹿泉在漢縣南爲名井陘口今名土門

口縣西南十里卽太行入徑之第五陘也鹿泉在井陘

口南山下皇唐貴族有土門崔家爲天下甲族寰宇記

俗呼韓信臺又呼爲土門口西入井陘卽向太原路通

鑑太元十八年燕主垂遣丹陽王瓚龍驤將軍張崇出

井陘攻西燕武鄉公友于晉陽二十一年魏王珪使冠

軍于栗磾甯朔公孫蘭帥步騎三萬潛自晉陽關韓信

故道珪自井陘趨中山又燕主寶出中山與趙王麟遇
于阱城麟不意寶猝至驚駭帥其眾奔蒲陰
阱卽陘胡三省以爲疾郢反者非

真定

通典鎮州真定縣漢舊縣元和志後燕慕容垂都之後
徙盧奴故權城卽古之犍鄉後漢賈復追破青犢處按
通鑑太元十年燕王垂攻鄴久不下命撫軍大將軍麟
屯信都樂浪王温屯中山温乃遣兵一萬運糧以餉垂
且營中山宮室垂與劉牢之逆戰而敗乃北趣中山

惟至常山圍翟成于行唐垂謂諸將曰樂浪王招流離實倉廩外給

軍糧內營宮室雖蕭何之功何以加之始定都中山垂
未嘗居真定李宏憲誤也

上艾

元和志并州廣陽縣本漢上艾縣地地形志樂平郡石
艾縣卽上艾縣有并陘隋志太原郡石艾縣有蒙山通
鑑永嘉二年劉粲劉曜將兵寇并州劉琨東出收兵于
常山中山粲曜乘虛襲晉陽琨還救不及代公猗盧遣
其子六修等帥眾數萬爲前鋒以攻晉陽自帥眾二十
萬繼之琨收散卒數爲之鄉導六修與劉曜戰于汾東
曜兵大敗墜馬中七創將軍傅虎授馬以免夜與大將

軍桑鎮北大將軍豐掠晉陽之民踰蒙山猗盧追之戰于藍谷曜兵大敗擒劉豐斬邢延等三千餘級

中山國

魏志中山仍爲國地形志漢桓帝立博陵郡桓帝紀延熹九年分中山置博陵郡今以博陵太守碑陰攷之博陵郡有博陵安平安國高陽南深澤五縣續志惟安國是中山舊縣安平南深澤屬安平國高陽屬河間國蓋本博陵在中山故云分中山置水經注地理風俗記曰蠡吾縣故饒陽之下鄉者也自河間分屬博陵

就其始言之亦

當云自涿郡與河間何與雜志之不足徵如此又云博陵縣卽古陸成按前志

涿郡有蠡吾中山國有陸成王子侯表陸成侯貞封在

涿或元朔後并陸城為蠡吾而史志略之又云博陵縣

史記蠡吾故縣漢質帝當云桓帝追尊父翼陵曰博陵因以

為縣又置郡漢末罷還安平晉太始年復為郡攷晉志

有博陸又有蠡吾地形志高陽郡博野縣有博陸城此

字皆是陵字之訛據通典諸書以知之耳隋志河間郡博野縣舊曰陵博陸

後魏改為博野後齊廢蠡吾縣入水經注今謂是城為野城按文上脫一博

野則知博陵乃是分蠡吾立非直改蠡吾為博陵也舊

唐志瀛州博野縣漢蠡吾縣後漢分置博陵縣此為得

之又按孔彪碑以建甯四年卒故吏為之立碑則在卒

後魏志常林傳于建安中超遷博陵太守是漢末未嘗
罷還安平不待太始年再立酈氏之所徵誤也

盧奴

元和志定州安喜縣本漢盧奴縣後燕慕容垂都中山

改盧奴爲弗違縣後魏平燕又改爲盧奴高齊省盧奴

移舊安喜縣于此隋志後齊廢地形志中山郡盧奴縣

州郡所治水經注云魏皇始二年破中山立安州天興

三年改曰定州治水南盧奴縣之故城此蓋漢城黑水池東

北際水有漢中山王故宮處暨趙石建武七年遣北中

郎將始築小城興起北樹立宮造殿後燕因其故宮建

都中山小城之南更築隔城興復宮觀請送元觚珪之弟爲

慕容垂所留 割常山以西奉國乞守中山以東帝許之已而

寶背約辛亥車駕次中山命諸將圍之北史通鑑則中

山不與盧奴同城也胡三省據杜佑以為燕所都在唐

昌縣者近之通典定州唐昌縣有中山故城在縣東北通鑑太元二十一年

燕主寶聞魏軍將至議與東堂中山尹符謨曰今魏軍

眾強千里遠鬪乘勝氣銳若縱之使入平土不可敵也

宜杜險以拒之中書令睦邃曰魏多騎兵馬上齎糧不

過旬日宜令郡縣聚民千家為一堡深溝高壘清野以

待之彼至無所掠不過六旬食盡自退尙書封懿曰今

魏兵數十萬天下之勍敵民雖築堡不足以自固是聚
兵及糧以資之也且動搖民心示之以弱不如阻關拒
戰計之上也趙王麟曰魏今乘勝氣銳其鋒不可當宜
完守中山待其弊而乘之於是修城積粟爲持久之備
命遼西王農出屯安喜軍事動靜悉以委麟隆安元年
魏圍中山旣久城中將士皆思出戰征北大將軍隆言
于寶曰涉珪雖屢獲小利然頓兵經年凶勢沮屈士馬
死傷大半人以思歸諸部離解正是可破之時加之舉
城思奮若因我之銳乘彼之衰往無不克如其持重不
決將卒喪氣日益困逼事久變生後雖欲用之不可得

也寶然之而衛大將軍麟每沮其議隆成列而罷者前
後數四燕將士數千人俱自請于寶願一出樂戰寶許
之隆而勒兵召諸參佐謂之曰皇威不振寇賊內侮臣
子同恥義不顧生今幸而破賊吉還固善若其不幸亦
使吾志節獲展卿等有北見吾母者爲吾道此情也乃
披甲上馬詣門俟命麟復固止寶眾大忿恨隆涕泣而
還是夜麟殺北地王精出奔西山于是城中人情震駭
寶去中山走保龍城語曰敗軍之卒沒世不復寶自參
合波之敗心膽喪矣安能爲三軍
之司命以禦方張之寇哉然扶危持傾之計苟謀慕容
隆策之善大敵壓境既不拒險扼要彼怠我怒復不能
背城一戰麟作難于前會乘隙于後父子兄弟抽戈
相向自古禍變相仍爲敵人之利未有若此之甚也

北平

舊唐志定州北平縣漢縣又易州蒲城縣漢北平縣地
 地形志孝昌中分中山置北平郡治北平城領蒲陰北
 平望都三縣隋志後齊併望都蒲陰入北平縣是蒲陰
 省入北平而杜君卿云北平縣本蒲陰縣欲實已廢之
 蒲陰反使現在之北平無所據此其失也寰宇記安陽
北二十水經注滹水東海歷鴻山世謂是處為鴻頭疑
五里卽鴻上關也關尉治北平而盡塞于望都東北去北平
 不遠兼縣土所極也

毋極

舊唐志祁州無極縣漢縣萬歲通天二年改毋字爲無

景福二年定州節度王處存奏請于縣置祁州通鑑永和八年中山蘇林起兵

于毋極自稱天子慕容恪自魯口還討林廣威將軍慕

輿根助恪攻林斬之太元九年燕慕容農自信都擊翟

遼于魯口破之遼退屯無極農屯棗城以逼之遼眞之

從兄也載記以爲眞之子恐誤燕慕容麟慕容農合兵襲翟遼大

破之遼單騎奔翟眞

新市

通典定州新樂縣漢新市縣地元和志取新樂故城爲名漢中山孝王母馮昭儀隨王就國王建宮于樂里在

西鄉呼爲西樂鄉時人語訛呼西爲新木刀溝在縣東
二十四里義臺縣西南十三里地形志新市縣有義臺城魏書道武
紀賀麟饑窮即募容麟率三萬餘人出寇新市帝進軍新市
賀麟退阻泚水依漸洳澤以自固甲戌帝臨其營戰于
義臺塢大破之賀麟單馬走西山

望都

元和志定州望都縣本漢舊縣柳宿城在縣東南四十
二里宣帝母王夫人微時拉別于柳宿蘇林曰柳宿邑
名石勒載記劉琨遣王旦攻中山逐勒所署太守秦固
勒將劉劭拒旦敗之執旦于望都剽掠居民趙王麟自

出討之諸將皆曰殿下虛鎮遠征萬一無功而返虧損
威重不如遣諸將討之麟曰乞聞大駕在外無所畏忌
必不設備一舉可取不足憂也乃聲言至魯口夜回趣
乞比明至其營掩擊擒之水經注晉書地道記曰望都
縣有馬弱關中山記曰入渡
馬弱是山曲要害之地二關相接又云縣有委粟關按
劉昭引地道記作馬安關恐誤舊唐志望都武德四年
分安喜兆平二縣置又按鮮于乞已于太元十年
為眾所殺其殺翟戚以降者鮮于得也乞當為得

唐

舊唐志定州唐縣漢縣舊治在入城元和志倒馬故關
在縣西北一百二十里水經注涿水東逕樂羊城北又
東逕唐縣故城南又有一水導源縣之西北平地泉湧

而出俗亦謂爲唐水東流至唐城西北隅竭而爲湖俗

謂之唐池下注云涖水自上厯下通禪唐川之兼稱矣

寰宇記唐河在義豐縣北五里隋圖徑云唐河卽涖水通鑑太元九年秦幽州刺

史王永王猛求救于振威將軍劉庫仁庫仁遣其妻兄

公孫希帥騎三千救之大破平規于薊南乘勝長驅進

據唐城庫仁聞平規已破欲大舉兵以救長樂公丕燕

慕輿文慕輿常時在庫仁所夜攻庫仁殺之竊其駿馬

奔燕公孫希之眾聞亂自潰希奔翟眞按前燕載記慕

容恪地中山次唐城進尅中山斬冉閔將白城則唐城

是唐縣也中人亭左人鄉呂覽慎大篇作老人中人淮南道應訓作尤人終人劉昭引皇甫謐按水

經注河
當為滙

安國

通典定州義豐縣漢安國縣有漢解續亭在縣東北舊

唐志隋自鄆城移于鄭德堡元和志派水在縣西二十

五里鄆城寰宇記作鄆陵通鑑永和八年壬午據魯口

自稱安國王鄆唐志又云深州陸澤縣置于古鄆城

安喜

元里志安喜故城在今安喜縣東三十里水經注中山

記曰縣在唐水之曲邑豐民安改曰安喜秦氏建元中

唐水汎漲高岸崩頽城角之下有大積木交橫如梁柱

後燕之初此木尙在未知所從按石勒載記大雨霖中山常山尤甚溥沱汎溢陷山谷巨松僵拔浮于溥沱東至渤海原隰之間皆如山積然則此木材是石勒時淪于沙土者也蜀志先主討黃巾賊有功除安憲尉督郵以公事到縣先主求謁不通直入傳督郵杖三百解綬繫其頸著馬柳奔官亡命

漢昌

舊唐志定州涇邑縣本漢昌縣曹魏改爲魏昌魏志后妃傳以

中山魏昌之安城鄉戶千追封甄逸隋爲隋昌唐武德四年爲唐昌天寶

元年改爲涇邑元和志廉頗臺在縣西南十九里通鑑

永和八年魏主閔既克襄國因遊食常山中山諸郡燕
 王雋遣慕容恪等擊魏閔軍于安熹慕容恪引兵從閔
 趣常山恪追之及于魏昌之廉臺載記與恪遇
 十戰皆敗之閔素有
 勇名所將兵精銳燕人憚之慕容恪巡陣謂將士曰冉
 閔勇而無謀一夫敵耳其士卒饑疲甲兵雖精其實難
 用不足破也閔以將多步卒而燕皆騎兵引兵將趣林
 中恪參軍高開曰吾騎兵利於平地若閔得入深林不
 可復制宜急遣輕騎邀之既合而陽走誘致平地然後
 可擊也恪從之魏兵還就平地恪分軍為三部謂諸將
 曰閔性輕銳又自以眾少必致死于我我厚集中軍之

陳以待之俟其合戰卿等從旁擊之無不克矣乃擇鮮
卑善射者五千人以鐵鎖連其馬爲方陣而前閱所乘
駿馬曰朱龍日行千里閱左操兩刃矛右執鉤戟以擊
燕兵斬首三百餘級望見大幢知其爲中軍直衝之燕
兩軍從旁夾擊之大破之圍閱數重閱潰圍東走二十
餘里朱龍忽斃爲燕兵所執寰宇記故魏昌城在
祁州東北二十八里

蠡吾

舊唐志深州博野縣漢蠡吾縣通典博野屬瀛州永泰以前漢

博陵郡後徙安平晉志博陵蠡吾皆屬高陽有漢蠡吾

縣故城在縣西寰宇記後漢分置博陵縣後魏景明元

後漢書地理志卷之三十三
年改博陵爲博野以地居博水之野地形志高陽郡蠡
吾縣有清涼城水經注陽城淀水伏流循瀆屈清梁亭
西北又東逕廣望縣故城北堀溝上承清梁陂又北逕
清涼城東卽將梁也通鑑永和六年慕容儁白將擊鄧
恆于魯口軍至清梁恆將鹿勃早將數千人夜襲燕營
慕容輿根帥左右精勇數百人從中牙直前擊早李洪徐
整騎隊還助之早乃退走載記魏攻中山不克進據博
陵魯口諸將望風奔退通鑑燕主寶使左衛將軍慕容
騰攻博陵殺魏所置守宰據爾時則博陵縣又屬博陵

上曲陽

舊唐志定州曲陽縣漢上曲陽縣隋改為恆陽元和十

五年改為曲陽

隋志後齊去上字

水經注滌水又東右會長星

溝

元和志長星溝水在縣西北十七里

溝出上曲陽縣西北長星渚東逕

恆山下廟北漢末喪亂山道不通此舊有下階神殿中

世以來歲書法族焉

通鑑隆安二年魏王珪自中山北歸發卒萬人治直道自望都鑿恆

嶺五代五百餘里

蒲陰

寰宇記蒲陰故城在今定州北平縣西北四十里水經

注蒲水南逕陽安亭蓋陽安關都尉治又東流逕夏屋

故城實中險絕其城東側因阿仍墉築一城世謂之寡

婦城賈復從光武追銅馬五幡于北平所作世俗音轉

故有是否名

徐水東逕蒲城北又東逕清苑城盧水出蒲城西按元和志易州滿城縣以縣北故

滿城為名即此蒲城字訛為滿城非

廣昌

元和志蔚州飛狐縣本漢廣昌縣地隋改為飛狐縣因

縣北飛狐口為名靡笄山在縣東北一百五十里寰宇

記周大象二年于五龍城復置廣昌縣即此邑水經注

涑水東逕嘉牙川水北山行即廣昌縣界又東逕倒馬

關關山險隘最為深峭又云徐水西出廣昌縣東南大

嶺下世謂之廣昌嶺嶺高四十餘里二十里中委折五

迴方得達其上故嶺有五迴之名又云祁夷水又東北
得飛狐口卽廣野君所云杜飛狐之口也魏土地記曰
代城南四十里有飛狐關趙一清曰寰宇記蔚州飛狐
縣下引水經云廣昌縣有古板殿城今注無之按北史
明元帝永興四年八月壬子幸西宮臨板殿大享羣臣
卽是處通鑑太元二十一年燕主垂留范陽王德守中
山引兵密發踰青嶺經天門鑿山通道出魏不意直指
雲中

安平國

元和志文帝黃初中移冀州理信都自石趙至慕容垂

或理鄴或理信都地形志慕容垂治信都

王鳴盛云延惠元年信都

屬博陵郡

信都

通典冀州信都縣漢舊縣元和志衡水亦曰長盧水即濁漳水之下流西北去縣六十二里水經注絳水故瀆逕繚城縣故城北左逕安城南故信都之安成鄉也更始二年和戎卒正邳彤與上會信都安成鄉上大悅即此處絳瀆又北西至信都城東連廣川縣之張甲故瀆石勒載記遣眾寇信都害冀州刺史王象王浚復以邵舉行冀州刺史保于信都通鑑太元二十一年魏主珪

進攻常山拔之獲太守苟延自常山以東守宰或走或
降惟中山鄴信都三城爲燕守隆安元年王建等攻信
都六十餘日不下士卒多死珪自攻信都宜都王鳳踰
城奔中山信都降魏魏書崔伯麟傳兼冀州長史大乘
賊起伯麟率州軍討之于煮棗城爲賊所殺寰宇記晉
陽秋司冀
青雍州蝗食茅草至盡石勒與蝗競取民禾河北
百姓謂之胡蝗煮棗故城在縣東北二十五里

阜城

通典冀州阜城縣漢舊縣舊唐志故城在今縣東二十
里今城隋築地形志阜城前漢屬渤海後漢屬安平而
彪志則云阜城故昌城州郡志云前漢渤海有阜城縣

信都有昌城縣續漢志云云未詳孰是是沈約亦疑之也水經注引闕駟曰昌城本名阜城世祖之下堂陽昌城人劉植率宗親子弟據邑以奉世祖又云渤海阜城在東昌之東意謂此阜城非渤海之阜城今攷彪志渤海無阜城晉志阜城仍還渤海則後漢并阜城于昌城因名爲阜城彪志漏略耳寰宇記晉書地道記云改阜邑爲阜城當是魏曾爲阜邑石勒載記使長樂太守程遐屯于昌亭酈注衡漳又逕東昌縣故城北經所謂昌亭西有昌城故因是城爲東昌

南宮

元和志冀州南宮縣本漢舊縣水經注張甲河故瀆于
廣宗縣分爲二瀆左瀆逕廣宗縣故城西又北逕經城
東繚城西又逕南宮縣西北注絳瀆

扶柳

通典漢扶柳縣故城在今冀州信都縣西寰宇記在縣
西三十里水經注縣有扶澤澤中多柳故曰扶柳十三
州志曰縣東北有武陽城故縣也

下博

元和志冀州下博縣本漢舊縣故城在縣南二十里卽
漢光武失道之處寰宇記縣道記云下博今理卽後漢

祭遵壘北枕衡漳水經注衡漳又東北厯下博城西透迤東北注謂之九紵

武邑

通典冀州武邑縣漢舊縣水經注白馬河逕武邑郡北而東入衡水謂之交津口晉武帝封子于縣以爲王國後分武邑武隧觀津爲武邑郡治此衡漳又東北右合張平口故瀆上承武彊淵側水有武彊縣故治故淵得其名後燕載記建節將軍餘巖叛于武邑驅掠四千餘人北走幽州垂馳敕其將平規曰但固守勿戰北破丁零吾當自討之規違命拒戰爲巖所敗

魏書章武王融傳故縣于修

禮寇暴瀛定二州長孫稚等討之失利除融車騎將軍
左軍都督與廣陽王深等共討修禮師渡交津葛榮殺
修禮而自立轉營至白牛選輕騎擊融融
苦戰終日更無外援遂大敗奔于陣見殺

觀津

元和志觀津城在武邑縣東南二十五里水經注衡漳
又東北右會桑社溝觀津城北方二十里盡爲澤藪蓋
水所鍾梁毅白燕降趙封之于此號望諸君又南屈東
逕寶氏青山南側堤東出青山卽漢文帝竇后父少翁
冢民號曰青山

經

通典貝州經城縣漢舊縣元和志本後漢分前堂陽縣

後漢書地理志卷十三
三
川大

于今縣二十里置經城城字縣按前志云堂陽嘗分爲
經縣則西京曾設而廢後漢復置彪志不言何帝時所
置蓋漏略也

堂陽

元和志冀州堂陽縣本漢舊縣水經注衡水自縣分爲
二水其一水北出逕縣故城西世祖自信都以四千人
先攻堂陽降水者也水上有梁謂之旅津渡其右水東
北注出石門門石崩褫餘基殆盡在謂之長蘆水蓋變
列葭之名也

武遂

舊唐志深州武強縣漢武隧縣晉改爲武強晉志仍元
和志武隧故城在縣東北三十一里寰宇記武強故城
里在縣西南二十五

饒陽

通典深州饒陽縣漢舊縣有古博陵城滹沱河舊在縣
南卽光武所渡魏武王因饒河故瀆決令北注新溝所
以在今縣北元和志州理城晉魯口城也公孫泉叛司
馬宣王征之鑿滹沱入派水以運糧因築此城蓋滹沱
有魯沱之名因號魯口蕪萁亭在縣東北四十五里通
鑑永和六年慕容儁伐趙兵至無終幽州刺史王午留

其將王佗以數千人守薊與鄧恆走保魯口李產子績
爲幽州別駕弃其家從王午在魯口鄧恆謂午曰績鄉
里在北父已降燕今雖在此恐終難相保不如去之午
曰此何言也夫以當今喪亂而績乃能立義捐家情節
之重雖古烈士無以過乃欲以猜嫌害之燕趙之士聞
之謂我直相聚爲賊了無意識眾情一散不可復集此
爲坐自屠潰也恆乃止七年慕容評攻王午于魯口八
年王午聞魏敗時鄧恆已死午自稱安國王燕王隼遣
慕容恪封奔陽驚攻之午閉城自守爲其將秦興所殺
呂護殺興復自稱安國王十年恪圍魯口三月拔之呂

護奔野王太元二十一年燕主垂征東將軍平規以三郡兵反于魯口魏書道武紀車駕幸魯口城大享羣臣于魯口

安平

元和志深州安平縣本漢舊縣屬涿郡後漢屬博陵郡後魏以來博陵諸崔即此邑人派水今名疆河西自定州義豐縣界流入按前志清河信鄉縣孟康云順帝更此縣也彪志清河無此縣或是傳寫脫落此安平非彼所謂安平也

南深澤

刊本訛元和志定州深澤縣本漢南深澤縣通典寰宇記同是

溥沱河縣南二十五里今名光武渡處爲危渡口寰宇
記縣道記云南深澤故城在縣口二十五里按元和志
稱中山之深澤與涿郡之南深澤皆互相錯亂此可據
漢志改正者也至云定州之深澤縣爲後漢安平之南
深澤竊疑中山本有深澤疆宇攸別雖瓜分棊置何爲
捨本有之縣遠割他境改南爲北乎按舊唐志但云祁
州深澤縣漢屬中山不以深澤爲南深澤較諸志爲勝
隋志信都郡長樂縣曾分置澤城縣及唐深州之陸澤
縣當爲漢之南深澤地耳

河間郡

樂成

晉志總敘云桓帝置高陽郡于高陽國下則云泰始元年置沈魏志皆稱晉置按晉紀泰始元年十二月卽皇帝位封從叔父珪爲高陽王則前此已有郡非晉置也寰宇記後漢高陽郡領高陽縣通典高陽後置高陽郡

通典瀛州樂壽縣漢曰樂成縣故城在今縣西北寰宇

記故城在縣東南六十五里續漢書郡國志云桓帝改

爲樂陵縣今續志無此文魏又改爲樂成按水經注濁漳水東

北至樂成陵酈注桓帝追尊祖父孝王開爲孝穆王王當

爲皇以其邑奉山陵故加陵曰樂成陵全祖望曰此三字

縣與史志可參異同陰溝水篇有樂成陵令許嬰碑

弓高

通典滄州弓高縣漢舊縣舊唐志景州弓高縣

貞元二年於縣

置景州

漢鬲縣屬平原郡隋置弓高縣寰宇記弓高城在

冀州阜城縣南二十七里隋圖經云弓高城漢封韓頽當爲侯國崔浩曰韓增爲龍額侯今城中有龍額村水經注衡漳又東逕弓高縣故城北又東北右合柏梁澇水上承李聰渙又東北會桑社枝津逕弓高城北東注衡漳謂之柏梁口

易

通典幽州歸義縣漢易縣公孫瓚于此築城名曰易京

後石季龍征慕容儁

儁當為眦

迴惡其固而毀之在今縣南

十八里

舊唐志大歷四年幽州節度使朱希彩奏請于范陽縣置涿州以縣為屬

水經注易

水又東逕易京南城在易城西四五里趙建武四年石

虎自遼西南達易京以京障至固令二萬人廢壞之其

樓基尚存猶高一匹餘石勒載記孔萇等攻馬嚴馮睹

久而不克勒問計于張賓賓對曰馮睹等本非深仇遼

西流人悉有戀本之思今宜班師息甲差選良守幽冀

之寇可翹足而靜遼西流人可指時而至勒召萇等歸

署武遂令李回為易北督護兼高陽太守馬嚴士眾素

服回威德多叛嚴歸之嚴懼奔于幽州溺水死馮贍率
 眾降勒回移居易京流人降者數常干勒甚嘉之封回
 弋陽子通鑑咸康四年趙王虎將擊段遼募驍勇者三
 萬人悉拜龍騰中郎會遼遣段屈雲襲趙幽州刺史李
 孟退保易京虎乃伐遼舊唐志易州五迴縣開元二十
 三年刺史盧暉奏分易縣置城于五迴山下因名之二
 十四年遷于五公城水經注易水東逕五大城南左
 與子莊溪水合南流逕五公城西
 五公即王莽之五子光武爵位封為王
 侯其說誕妄不知唐代何以尚沿此名

武垣

通典瀛州河間縣漢州鄉縣後漢改武垣縣漢武帝得

鉤弋夫人于此隋志大業初置河間郡并武垣縣故城
在今郡西南三十八里魏武鑿渠引滹沱水移武垣縣
于東微北三十里開皇三年又移武垣理州城此城因
廢十六年改武垣爲河間縣仍于東武垣故城再置武
垣縣大業二年省乞活城郡國志云大安中并州刺史
東瀛公騰掠羯胡萬戶于山東賣爲生口恐其有叛不
聽入州郡築此城以居之任自乞活晉書乞活帥陳佺
歸晉卽此地按騰爲并州執賣諸胡于山東石勒亦在
其中爲一事其遷冀州并州將田甄等率州民隨騰南
下就穀冀州號爲乞活此又一事見劉琨傳石勒載記

及通鑑樂史混而為一與史文有乖也按地形志武垣縣有武垣城是

則樂史之東西武垣也

中水

通典瀛州樂壽縣有中水縣兩河之間故曰中水寰宇

記漢中水縣在樂壽縣西北三十九里郡國縣道記云

其城南枕滹沱河北背高河高齊天保七年省

鄭

通典莫州鄭縣漢舊縣寰宇記掘鯉淀在縣西二十里

左太沖魏賦都云掘鯉之淀蓋卽之淵又任邱縣漢鄭

縣地武德五年分莫縣置魏志邢顒傳河間鄭人適右

北平從田疇遊積五年而太祖乃定冀州顯謂疇曰黃
巾起來二十餘年海內鼎沸百姓流離今聞曹公法令
嚴民厭亂矣亂極則平請以身先遂裝還鄉里田疇曰
那顯民之先覺也

高陽

通典瀛州高陽縣漢舊縣通鑑咸康六年慕容皝帥諸
軍入自蠡螭塞襲趙戍將當道者皆擒之直抵薊城趙

幽州刺史石光閉城不敢出燕兵進破武遂津入高陽

水經注易水南逕武隧縣南新城縣北俗又謂是水爲
武隧津北對長城門謂之汾門史記趙世家趙與燕
易土以龍兌汾門地與燕燕以葛城武
陽與趙卽此按葛城卽高陽之葛城也所至焚燒積聚

略三萬餘家而去前燕載記鄴城陷燕主暉與評等數千騎奔昌黎符堅遣郭慶追及暉于高陽堅將巨武執暉將縛之暉曰汝何小人敢縛天子武曰我梁山巨武受詔縛賊何謂天子遂送暉于堅

文安

舊唐志莫州文安縣漢縣至隋不改故城在今縣東北
寰宇記在今縣東北三十里

東州

舊唐志瀛州東城縣漢東州縣隋志東城舊曰東州寰宇記今縣東北十四里有東州故城西晉移東州于城

南三十五里後魏孝昌二年復理漢故城

地形志東州縣有東州城

高齊省隋開皇中置東城縣于今理

魏志田豫傳公孫瓚使豫守東州令

瓚將王門叛為袁紹將萬餘人來攻豫登城責門門慙而退瓚雖知豫有權謀而不能任也

成平

寰宇記漢成平縣故城在今瀛州景城縣南三十里後

魏延昌二年徙成平縣來理之漢故城因而荒廢隋志

河間郡景城縣舊曰成平開皇十八年改水經注衡漳

東逕建成縣故城南成平縣故城在北縣城南北相直

楊津溝水逕建成縣左謂之楊津口衡漳又東左會滹

沱別河故瀆又東北入清河謂之合口

東平舒

舊唐志瀛州平舒縣漢東平舒縣地形志始寰宇記周

顯德二年割隸霸州今改名大城水經注應邵曰平舒

縣脫一西南五十里有參戶亭故縣也謂之平虜城枝

瀆又東注謂之蔡伏溝

清河國

注云桓帝建和二年改爲甘陵州郡志魏復舊獻帝紀

一年甘陵國除魏志十八年以建安十甘陵郡益魏公國明清河魏復按前志應邵曰安帝以

孝德皇后葬于厝縣故曰甘陵水經注桓帝建和二年

清河王國以妖言徙其年立甘陵郡郡當治此然則安

爲國

帝先以厝爲甘陵縣桓帝繼改清河爲甘陵國而通典

云清河漢舊縣桓帝改爲甘陵縣舊唐志寰宇記同是誤以郡

爲縣元和志又云後漢省信成縣置清河縣按前志清

河郡有清陽縣有信成縣水經注應邵曰甘陵西北五十里有信成亭故縣是也

或可後漢并信成于甘陵而清河縣則始見晉志後漢

省清陽信成而未嘗置清河縣寰宇記又言桓帝改信

成爲甘陵按應邵司馬彪明云改厝曰甘陵何爲遠追

已廢之縣卽此一條其錯亂凡三按地形志清河郡清

河縣前漢曰厝後漢安帝曰甘陵晉改清河又隋志清

河舊曰武城此漢之東武城清陽舊曰清河此晉之清河後齊省而隋置改清陽

此則隋以後之清河并非晉時之縣諸言輿地者曾不一審覈舊史何也

甘陵

寰宇記貝州清河縣後漢甘陵縣晉于厓城西南七里

置清河縣又清陽縣亦甘陵縣地故厓城在縣東南三

十里甘陵在縣城內原文甚紛亂今只節取元和志後漢省清陽

縣其地屬甘陵縣舊唐志貝州清陽縣舊治甘陵城永

昌元年移治于孔橋開元二十三年移就州治按唐清河清

二縣同在貝州郭下李宏憲又稱末杯城在縣東五十里段末杯

自稱遼西公于此築城與石勒相持按末杯篡竊遼西

與清河隔遠何與石勒相持于清河

永嘉六年王浚使段疾陸眷率文鴟

末桮等討石勒屯于渚陽則在鉅鹿郡任縣又非末桮也

據段匹磾傳末波之子勤

鳩集胡羯得萬餘人保枉人山自稱趙王附于慕容儁

俄為冉閔所敗保于繹幕是嘗至清河則或段勤所築

之城而訛傳以為其父末桮也非是

水經注地理風俗記曰甘陵郡東南

十七里有清河故城者世謂之鵲城通鑑太元十一年燕寺人吳深據清河反燕主垂攻深壘拔之深單馬走十二年深殺燕清河太守燕護軍將軍平幼會章武王宙討深破之深走保繹幕十四年清河民孔金斬吳深送首中山又按管輅傳有清河令則魏改甘陵為清河也

頁三

舊唐志博州清平縣漢貝丘縣隋改為清平

隋志開皇六年置曰

貝丘十六年隋志舊曰清河縣後齊省通典貝州青陽縣曰貝丘縣

貝丘入焉改為貝丘寰宇記古清陽縣城在縣東南三

十五里元和志貝州永濟縣本漢貝丘縣地大歷七年

田承嗣奏于張橋行市置永濟渠在縣西郭南闊一百

七十尺深二丈四尺南自汲郡引清淇二水東北入白

溝穿此縣入臨清蓋屯氏古瀆隋氏修之因名永濟

東武城

舊唐志貝州武城縣漢曰東武城地形志始去東字樂謂史晉太康者非

舊治古夏城調露元年移于今治元和志清河諸崔即

此邑人為天下甲族水經注清河東北逕陵鄉西應邵

曰東武城西南七十里有陵鄉故縣也後漢封太僕梁
松爲侯國故世謂之梁侯城遂立侯城縣治也

地形志
清河郡

有侯
城縣

郟

舊唐志貝州夏津縣漢郟縣天寶元年改爲夏津元和

志貝州歷亭縣後漢省東陽縣其地屬郟縣通典漢郟

縣故城在德州平原縣西北

隋志後齊并
郟縣入平原

水經注屯氏

故瀆東逕靈縣北又東北逕郟縣與鳴犢河故瀆合東

北合大河故瀆謂之鳴犢口魏志徐晃傳注九州春秋

曰清河季雍以郟叛袁紹降公孫瓚瓚遣兵衛之紹遣

朱靈攻之靈家在城中瓚將靈母弟置城上誘呼靈靈望城涕泣曰丈夫一出身與人豈復顧家耶遂力戰拔之生禽雍而靈家皆死又孫禮傳清河平原爭界八年不決禮上疏曰界實以王翁河翁當是莽為限而郇以馬丹侯為驗詐以鳴犢河為界假虛訟訴疑誤臺閣平原在兩河向東上其間有爵隄爵隄在高唐西南所爭地在高唐西北相去二十餘里可謂歎息晉書新蔡王傳公師藩與平陽人汲桑等謀劫盜起清河解縣

靈

寰宇記漢靈縣城在今博州高唐縣西二十里高齊天

保七年省地形志作零屬南清河郡隋志開皇六年分博平置靈縣

大業初併入博平水經注大河故瀆東北逕靈縣故城

南別出為鳴犢河舊唐志武德四年分置靈縣五年又省入博平

繹幕

寰宇記漢繹幕縣故城在今德州平原縣西北二十里

高齊省入平原縣隋志平原郡安樂縣開皇十六年置

繹幕縣大業初并入水經注屯氏別河逕繹幕縣南分

為二瀆通鑑永和八年趙立義將軍段勤聚胡羯萬餘

人保據繹幕自稱趙帝燕王雋遣慕容霸等擊勒軍至

繹幕段勤與弟思聰舉城降太元十年繹幕蔡匡据城

以叛燕慕容麟慕容隆其攻之泰山太守任泰潛師救
匡至匡壘南八里燕人乃覺之諸將以匡未下而外敵
奄至甚患之隆曰匡恃外救故不時下今計泰之兵不
過數千人及其未合擊之泰敗匡自降矣乃釋匡擊泰
大破之匡遂降燕王垂殺之屠其壘

廣川

州郡志魏屬渤海舊唐志德州長河縣漢廣川縣後廢
隋于舊廣川縣東八十里置新縣尋改爲長河縣爲水
侵元和四年移就白橋于永濟河西岸置縣東去故城
十三里十年又置河東小胡城

隋志長河水經注清河
舊曰廣川

北逕廣川縣故城南水側有羌壘姚弋仲之故居也應
邵曰廣川縣西北三十里有歷城亭故縣今亭在縣東
如北水濟尙謂之爲歷口渡又張甲河右瀆逕廣川縣
故城西又東逕棘津亭南通鑑咸和八年石虎以羌帥
姚弋仲爲奮武將軍西羌大都督使帥其眾數萬徙居
清河之澠頭永和六年冉閔滅石氏姚弋仲子曜武將
軍益武衛將軍若帥禁兵數千斬關奔澠頭弋仲帥眾
討閔軍于混橋載記作澠頭又太元十年慕容麟慕容隆自
信都徇渤海清河麟擊渤海太守封懿執之因屯歷口
寰宇記冀州棗強縣按縣道記云今棗強縣東北十八

里有廣川王故城慕容垂于此置廣川郡高齊省廣川縣因移棗強縣理此城隋移棗強于今理縣外城即羌酋姚弋仲之故壘也

趙國

魏志仍為國又邯鄲別為國黃初六年改封子邕

邯鄲

通典洺州邯鄲縣漢舊縣元和志永泰元年置磁州縣屬又洺州肥鄉縣漢邯鄲縣地魏黃初二年分邯鄲二縣立肥鄉縣此脫文舊唐志肥鄉漢邯鄲縣地則應脫邯溝縣寰宇記後魏并入臨漳隋開皇十年復水經注牛首水出邯鄲縣西堵

山東入邯鄲城逕溫明殿南又東逕叢臺南長沙耆舊
傳稱桓楷爲趙郡太守嘗有遺囊粟于路者行人挂囊
粟于樹莫敢取之卽于是處魏志袁尙將沮鵠守邯鄲
擊拔之尙還救鄴公曰尙從大道來當避之若循西山
來者此成禽耳曹瞞傳曰遣候者數部前後參之皆曰
定從西道已在邯鄲乃天喜會諸將曰孤已得冀州也
此實不曉阿瞞所謂
或者飾常計以譎人通鑑太元九年燕王垂攻鄴不拔
分處老弱于肥鄉築新興城以置輜重翟真北奔邯鄲
引兵還向鄴圍欲與丕內外相應太子寶與冠軍大將
軍隆擊破之眞還走邯鄲太原王楷陳留王紹言于垂

曰丁零非有大志但寵過爲亂急則屯聚爲寇緩之則自散散而擊之無不克矣垂從之

易陽

通典洺州臨洺縣漢易陽縣

隋志臨洺舊曰易陽

元和志狗山在

縣西十里山頂石上有狗迹因名武德五年太宗親總戎討劉黑闥于此立宮魏志徐晃信易陽令韓範僞以城降而拒守太祖遣晃攻之晃飛矢城中爲陳成敗範悔晃輒降之旣而言于太祖曰二袁未破諸城未下者傾耳而聽今日滅易陽明日皆以死守願降易陽以示諸城則莫不望風太祖善之

按邯鄲易陽襄國建安十七年以益魏郡十八年分

魏郡為魏西部黃初二年以西
部為廣平郡則三縣應屬廣平

襄國

通典邢州龍岡縣漢襄國縣至隋改為龍岡縣

隋志龍岡縣舊

曰襄國開皇九年改

又沙河縣漢襄國縣地隋置元和志龍岡縣

東百五十步有土山昔冉閔攻石祇為地道于此寰宇

記石井岡在縣西北七里隋區宇圖志云此井光武營

軍所鑿傍有棘荆叢生皆蟠結如人手縈云是光武擊

銅馬處又石勒時天旱沙門佛圖澄于此岡掘得一死

龍長尺餘漬之以水良久乃蘇就騰空而上天雨即降

因名龍岡

晉書藝術傳載其事小異

夷儀鎮在縣西一百七十五里

晉地道記云樂平東南有夷儀嶺道通襄國

按劉琨傳表云勒據

襄國與臣隔山寇騎朝發夕及樂平并州郡所謂隔山道通應是此嶺

石勒載記勒攻北

中郎將劉演于三臺張賓曰劉演眾猶數千三臺險固未可卒下邯鄲襄國趙之舊都依山憑險形勝之國可擇此二邑而都之於是進據襄國王浚遣督護王昌及段就六眷末杯匹磾等部眾五萬討勒時城隍未修乃于襄國築隔重城柵設部以待之就六眷屯于洛陽勒分遣諸將連出挑戰頗為就六眷所敗納張賓孔萇計以萇為攻戰都督造突門于北城鮮卑入屯北壘勒候其陣未定躬率將士鼓噪于城上孔萇督諸突門伏兵

俱出擊之生擒末杯就六眷等眾遂奔散莫乘勝追擊

枕戶三十餘里通鑑太興三年從上族三百家實襄國

曜于永永和六年石祗即皇帝位于襄國魏主閔帥步

騎十萬攻襄國七年趙主祗危急乃去帝號乞師于燕

及姚弋仲弋仲遣其子襄帥步騎二萬八千救趙誠之

曰冉閔奔仁肯義屠滅石氏我受人厚遇當為復仇老

病不能自行汝才十倍于閔若不梟擒以來不必復見

我也按弋仲謂襄十倍冉閔楊亮謂襄雄武過孫策然

其敗冉閔猶假眾力卒不能禽閔孫郎軍鋒所向

無前襄惟快意子殷浩輩耳一敗于蒲洪再戰于桓温

且不能抗張平而終死于符黃眉之手彼奴僕下才猶

假一日之尊橫行數年間而襄境崎嶇年未壯以弋仲

隕身則大業幾絕豈其數之奇耶抑名過其實也弋仲

亦遣使告于燕燕王隼遣禦難將軍悅綰將兵三萬往
會之襄及石琨各兵救襄國衛將軍王泰曰今襄國未
下外救雲集若我出敵必腹背受敵不若固壘以挫其
銳閔不從悉眾出戰悅綰適以燕兵至去魏兵數里疏
布騎卒曳柴揚塵魏人望之恟懼襄琨綰三面擊之趙
王祇自後衝之魏兵大敗閔與十餘騎走還鄴劉顯密
使請降殺趙王祇傳首于鄴顯復稱帝于襄國八年顯
攻常山閔自將八千騎擊顯敗之追奔至襄國顯大將
軍曹伏駒開門納閔閔殺顯及其公卿已下百餘人焚
襄國宮室遷其民于鄴

又太元九年崔眞在承營與劉
庫仁所遣將公孫希王永所遣

昌黎太守宋敬送州首尾長樂公丕遣冗從僕射光祚
將軍數百赴中山與眞相結又遣陽平太守邵興將數
千騎招集故郡縣與祚期會襄國是時秦軍勢復振冀
州郡鼎沸觀望成敗趙郡人趙栗等起兵柏鄉以應興
興上重命冠軍大將軍隆與興戰于襄國大破之興走
至廣阿遇慕容農執之光祚聞之循西山走歸鄴隆遂
擊趙栗等皆破之

柏人

元和志邢州堯山縣本柏人縣後魏改人爲仁

地形志仍爲人

蓋誤隋志作仁

天寶元年改爲堯山故城在縣西北十二里有

張耳臺通鑑永和七年劉顯弒趙王祇其驃騎將軍石

甯奔柏人

中丘

通典邢州內丘縣漢中丘縣隋以國諱改之元和志青

山縣本漢中丘縣地隋分內丘置黑山一名青山周太祖諱黑獵故更

名在縣西二十里幽深險絕為逋逃之藪魏志張燕傳燕合聚少年

為羣盜與博陵張牛角合推牛角為帥俱攻饒陶牛角

郡中山上黨河內諸山谷皆相通各以部眾小帥孫輕

王當等從燕眾至百萬號曰黑山張遼傳鄴破遼別徇

趙國常山招降緣山諸賊黑山孫輕等石勒載記進攻

皆殺之寰宇記十六國春秋石虎改中邱為趙安縣

勃海郡

魏志杜畿傳杜恕下廷尉徙章武郡是魏分勃海置章

武也晉志總敘言魏武置章武郡于章武國下又云泰

始元年置者當是以郡爲國耳地形志言晉置者非也
又按後來諸志皆言勃海有饒安縣而今續志脫之

南皮

通典滄州南皮縣漢舊縣章武有北皮亭故曰南皮魏
志曹仁傳仁弟純督虎豹騎從圍南皮袁譚大戰士卒
多死太祖欲緩之純曰今千里蹈敵進不能克退必喪
威且懸師深入難以持久太祖善其言遂急攻之純麾
下騎斬譚首水經注清河東北逕南皮縣故城西北逕
北皮城東左會滹沱別河故瀆謂之合口城謂之合城
通鑑隆安二年魏王珪以略陽公遵鎮勃海之合口

通鑑

隆安二年張驥子超收合三千餘家據南皮自號烏桓王

高城

通典漢高城縣在今滄州鹽山縣南寰宇記在縣南四十里伏琛齊地記云無棣今勃海高城縣也有平津鄉卽武帝封公孫宏于此開皇十八年改曰鹽山以縣東南八十里鹽山爲名隋志鹽山水經注無棣溝東南逕高城縣故城南東北逕鹽山入海清河又東逕漂榆邑故城南俗謂之角飛城趙記云石勒使王述煮鹽于角飛卽城異名矣魏土地記曰高城縣東北百里北盡漂榆東臨巨海民咸煮鹽爲業卽此城也清河自是入于

海通鑑太興元年幽州牧段匹磾帥其眾數千將奔邵
續勒將石越擊之于鹽山大敗之匹磾復還保薊咸康
四年石虎以桃豹爲橫海將軍王華爲度遼將軍帥舟
師十萬出漂榆津以伐段遼永和六年慕容評徇勃海
勃海賈堅少尙氣節趙亡堅還鄉里擁部曲數千家評
遣使招之堅終不降評與戰擒之載記慕容評攻王午
于魯口冉閔章武太
守賈堅率郡兵邀評戰于高城擒堅于陣其事與通鑑異雋與恪皆愛賈堅之材堅
時年六十餘恪聞其善射置牛百步上以試之堅曰少
之時能令不中今老矣往往中之乃射再發一矢拂脊
一矢磨腹皆附膚落毛上下如一觀者咸服其妙雋以

堅爲樂陵太守治高城太元十二年章武人王祖殺太守白欽渤海人張申據高城以叛十三年燕高陽王隆太原王楷趙王麟將兵會于合口以擊張申王祖帥諸壘共救之夜犯燕軍燕人逆擊之走隆欲追之楷麟曰王祖老賊或恐詐而設伏不如俟明隆曰此白地羣盜烏合而來徼幸一決今失利而去眾莫爲用乘勢追之不過數里可盡禽也申之所恃惟在于祖祖破則申降矣乃留楷麟守申壘隆與平幼分道擊之比明大獲而還懸所獲之首示申申出降祖亦歸罪

重合

元和志漢重合縣故城在滄州樂陵縣東二百步通典

亦曰地形志重合縣屬安德郡安德樂陵郡所分有苑

康家按黨錮傳苑康寰宇記高齊天保七年省

浮陽

通典滄州清池縣漢浮陽縣隋志清池舊曰浮陽開皇十

八年改水經注浮瀆東北逕漢武帝望海臺東注于海

寰宇記古木門城在縣西北四十六里輿地志云中有

大樹因名木門元和志滄州長蘆縣本漢參戶

東光

通典滄州東光縣漢舊縣舊唐志臨津縣漢東光縣地

隋于故胡蘇亭置胡蘇縣天寶元年改爲臨津水經注
清河東至東光縣西南逕胡蘇亭又東北右會大河故
瀆初平二年黃巾二十萬人入勃海公孫瓚破之于東
光追奔是水斬首三萬人流血丹水

章武

通典滄州魯城縣漢章武縣地形志正光中分滄州章

武

屬浮陽郡

置西章武

屬章武郡

寰宇記高齊省開皇十六年又

于西章武故城置魯城縣遙取長蘆縣北平虜城爲名
改虜爲魯者惡胡虜之字也乾符元年縣東北有野稻
水穀連按二千餘頃東西七十里南北五十里燕魏悉

來措拾俗稱聖米二年勅改爲乾符縣宋并入清池縣水經注
清河東逕漢武帝故臺北魏土記章武縣地東百里有
武帝臺石勒載記章武人王脊起兵于科斗壘擾亂勒
河間渤海諸郡

陽信

元和志棣州陽信縣本漢舊縣魏屬樂陵國通典滄州
無棣縣漢陽信縣地隋文帝置縣取縣南無棣溝爲名
其溝隋末填廢永徽元年薛大鼎爲刺史奏開之外引
魚鹽于海寰宇記無棣縣東南三十里陽信故城存元和

志隋開皇六年割陽
信饒安置無棣縣

修

通典德州蓍縣漢修縣又有漢觀津縣故城在今縣東

晉志始作蓍隋志蓍舊曰修地形志二蓍字無別蓋本謂修改蓍字誤脫草耳元

和志據周亞夫為條侯因謂漢為條音為修隋為蓍非也修之字或相傳讀作修條耳師古亦不能辨後之寫

漢書者以本有條音遂擅改修為條舊唐志永泰元年改屬冀州蓋修縣

本在信都也

補饒安元和志滄州饒安縣本漢千童縣即秦千童城

始皇始遣徐福將童男女千人入海置此城以居之漢

以為縣靈帝置饒安縣以其地豐饒可以安人今按晉

志始有饒安縣地形志饒安二漢屬渤海前漢曰千童

靈帝改參諸前志應邵注千童者則無可疑後漢本有
千童縣矣水經注舊唐志寰宇記皆同寰宇記又稱郡國縣道記云
章鄉縣漢省并饒安司馬彪縱不論順帝以後甯并其
前此所有者而沒之

後漢書疏證卷十五

浙江書局正書第一三三

浙江書局刊

孫祖燕校

王拱辰校

高培森校